

Des DENG - des nemmd mr koinr weg

Des Deng isch' affageil, isch' gega Langeweil'
Des Deng isch' faschd perfekt
Noi noi , des Deng des nemmd mr koinr weg...

Des Deng isch' kapriziös, des Deng isch ominös
Des Deng isch' skandalös
Des Deng machd generell a weng nervös...

*Des Deng isch' evolutio- revolutio-när ond genial
Des Deng isch' von Nadur aus zwoifach optimal...*

Des Deng isch' impulsiv, des Deng isch' plakativ
Des Deng erfüllt sein' Zwegg
Noi noi, des Deng des nemmd mr koinr weg - noi
Des Deng des nemmd mr koinr weg!

Des Deng machd Riasaschbaß, des Deng geit's au' beim Has'
Des Deng hod's reachde Maß
Joa joa wenn's fehld, des Deng, noa' fehld oim was.

Des Deng isch' wohl erprobd, des Deng wird meischdens g'lobd
Ond wenn des Deng reachd tobd,
Ha no, noa isch' des Deng mit ebbes g'dopt.

*Des Deng isch' evolutio-revolutio-när ond genial
Des Deng isch' von Nadur aus zwoifach optimal...*

Des Deng isch' selta fad, net emmr schdoahd's parat
Des Deng vrdient Reschpekt
Noi noi, des Deng des nemmd mr koinr weg - NOI
Des Deng des nemmd mr koinr weg!